

vestras in Camera nostra solvere et exhibere curetis et recipiatis ab eo exinde apodixam.

Datum Neapoli anno Domini MCCCXXXVII die XXII
januarij V jndictionis (35).

Pro Nicolia.

Robertus Dei gracia Rex Jerusalem et Sicilie Ducatus Apulie et Principatus Capue Provincie et Forcalquerii ac Pedimentis Comes. Justiciariis Calabrie neconon officialibus seu commissariis deputatis ad recollendum subsidium sive donum factum per Barones et nobiles Regni nostri spectabili Ducis Duracij nepoti nostro carissimo ac officialibus et personis aliis ad quas spectat presentibus et futuris fidelibus suis graciā etc.

Condescende[n]tes supplicantis peticionis instancie facte nobis per Marinum Gronis de Veneciis militem cambellani (*sic*) familiarem et fidelem nostrum pro Nicolia de Rocco de Seminaria reicta condam Guillelmi Sclavelli de Flumine frigido eiusdem Marini privigna et quia sicut accepimus mulier ipsa vidua est nobisque non servit pro bonis que a Curia nostra tenet placet nobis eidemque Nicolie de certa nostra scientia tenore presencium indulgemus quod pro bonis feudalibus que in dicta terra et pertinenciis eius tenet ista vice in subsidio dicti Ducis non contribuat nec ad id aliquatenus compellatur. Volumus ergo et fidelitati vestre de ipsa certa nostra scientia iubemus quatenus presentis indulti nostri graciā servantes iamdicte Nicolie tenaciter illibatam eam ad solucionem predicti doni nullatenus compellatis nec in aliquo propterea molesteris eandem. Ita quod non oporteat ulterius exinde vobis scribi. Presentibus post debitam inspectiōnem earum remanentibus presentanti quantum expediens fuerit efficaciter valiturus.

Data Neapoli per Johannem Grillum de Salerno etc. anno Domini MCCCXXXVII die VII marci V jndictionis Regnum nostrorum anno XXVIII (36).